



იმისთანა წმინდა საძმომი, ბოგბილ ბუქ-
უჩი სიფყავა, ცუდილებით და ჭბრებით ბუბ-
თის გაფანა ყულა უჯარბისბაზუ უსაბაგლსია.



გაგონის 1918 წლის
25 ივლისიდან

რესპუბლიკა

ხუთშაბათი, 27 თებერვალი. 2020 წ. №36 (8962)

ელ.ფოსტა: sakresp@mail.ru და sakresp@top.ge

ფასი 60 თათრი

კმისარს
კმისრისა!



ვანდალები!

მსხეთაუი 9 ძირი კანადური ნაკრჩხლის
სე გამიზნულად დააზიანეს!

ვანდალური ფაქტი მოხდა მცხეთაში, მტკვარზე ახალი ხიდის მშენებლობის მიმდებარედ. გვიან ღამით ამ ტერიტორიაზე ნეკერჩხლის ხეები დაუდგენელმა პირებმა გამიზნულად დააზიანეს, დათვალეერების შედეგად დადგინდა, რომ გადატყევილია 9 ძირი კანადური ნეკერჩხლის ხე, რომლებიც 2019 წელს მცხეთის მუნიციპალიტეტის მერიამ შეისყიდა და გამწვანების აქციის ფარგლებში ნოემბრის დასაწყისში დაირგო.

24 თებერვალს ააიბ მცხეთის მუნიციპალიტეტის კეთილმონყოობის სამსახურმა რეაგირებისთვის შინაგან საქმეთა სამინისტროს მიმართა. გამოძიება დაწყებულია ყველა იმ პირის მიმართ, ვინც აღნიშნული უკანონო ქმედება ჩაიდინა. მალე შესაბამის ზომებს მიიღებენ.



„ჩვენს ქალაქზე ზრუნვა თითოეული ადამიანის ვალდებულებაა. თითოეული ჩვენგანი უნდა ცდილობდეს ქალაქის მოვლას და გალამაზებას, მცხეთის მუნიციპალიტეტის მერია მოგიწოდებთ: გავხადოთ მცხეთაზე ზრუნვა ჩვენი ცხოვრების განუყოფელ წესად და სხვებსაც ვუბიძგოთ ამისკენ! – ნათქვამია მერიის განცხადებაში.“

მაოსარნი

ქვეყნის ჭეშმარიტი

გულშემატკივრის წინააღმდეგ!

„პატრიოტი“ ნაცუბი
და ქვეყნის
„მოლატე“
ქმსუბი ④

ოპოზიცია
მოლაპარაკების
მაგიდას არ უბრუნდება
და რეპოლუსიურ ⑤
სსენარზე მუშაობს

ფრიდრის ნაუბანის ფონდი:
საქართველო ეკონომიკის ②
თავისუფლების მაჩვენებლით
ეპროკაში პირველ ადგილზეა

ეპროკის საბჭოს მინისტერიალი სტრასბურგში გაიგართება!

ეპროკის საბჭოს მინისტრთა კომიტეტის 130-ე სესია თბილისის ნაცვლად სტრასბურგში გაიგართება. ამის შესახებ საქართველოს საგარეო საქმეთა მინისტრმა დავით ზალკალიანმა გუშინ ბრიფინგზე განაცხადა.

მისი თქმით, შესაბამისი გადანყვეტილება სტრასბურგში მინისტრთა მოადგილეების კომიტეტის დღევანდელ სხდომაზე მიიღეს.

„სტრასბურგში მინისტრთა კომიტეტის მოადგილეების სხდომაზე მიღებული იქნა გადანყვეტილება ევროპის საბჭოს მინისტერიალის სტრასბურგში გადატანის შესახებ. მოგესხენებათ, 2019 წლის ნოემბერში, როდესაც საფრანგეთისგან თავმჯდომარეობა გადმოვიბარეთ, განვაცხადეთ ჩვენი სურვილის შესახებ, რომ მინისტერიალი ჩატარებულიყო საქართველოში და თბილისი ყოფილიყო მასპინძელი. ეს იყო ჩვენი მართლაც გულწრფელი სურვილი, გვემასპინძლა ასეთი მნიშვნელოვანი, მაღალი დონის ღონისძიებისთვის, რომელიც მართლაც უპრეცედენტო იქნებოდა, რადგანაც დამოუკიდებელი საქართველოს ისტორიაში მსგავსი სახის მაღალი დონის ღონისძიებისთვის საქართველოს არ უმას-



პინძლა. აქედან გამომდინარე, ყველაფერი გავაკეთეთ 2019 წლის ნოემბრიდან დღემდე იმისთვის, რომ ჩვენს პარტნიორებთან, ასევე ევროპის საბჭოს გენერალურ სამდივნოსთან, გენერალურ მდივანთან კონსულტაციების რეჟიმში განგვეხილა ყველა შესაძლო სცენარი, რომ არ დაზიანებულიყო ჩვენი, როგორც ამ ორგანიზაციის თავმჯდომარე ქვეყნის რეპუტაცია“...

მისივე თქმით, მინისტერიალის თბილისში ჩატარების შემთხვევაში, საქართველოს ღონისძიებაში ყველა ქვეყნის მონაწილეობის უზრუნველყოფა ევალებოდა.

„მოგესხენებათ, რასთან არის დაკავშირებული ჩვენი კანონმდებლობა. მათ შორის, მხედველობაში მაქვს რუსეთის ფედერაციის მონაწილეობა. ჩვენ გვევა-

ლებოდა, უზრუნველგვეყო უკლებლივ ყველა წევრის მონაწილეობა ამ ღონისძიებაში. ამიტომ ვიყავით მუდმივი კონსულტაციის რეჟიმში, რომ ყველა შესაძლო სცენარი განგვეხილა. მინდა, გითხრა, რომ არსებობს სხვა ქვეყნების პრეცედენტები, როდესაც გამოინახა ამის შესაძლებლობა. ჩვენ, რა თქმა უნდა, ყველა რესურსი გვექონდა გამოყენებული. გუშინაც, ფენევაში როდესაც შევხდი გენერალურ მდივანს, სწორედ ამ თემებზე გვექონდა საუბარი. მათი მხრიდან არის სრული გაგება იმასთან დაკავშირებით, რომ მინისტერიალი ჩატარდეს სტრასბურგში“, – თქვა დავით ზალკალიანმა.

საქართველოს თავმჯდომარეობის ფარგლებში, ევროპის საბჭოს მინისტრთა კომიტეტის 130-ე სესია მაისში თბილისში უნდა გამართულიყო, თუმცა გაურკვეველობა შეიქმნა რუსეთის დელეგაციის, მათ შორის საგარეო საქმეთა მინისტრ სერგეი ლავროვის სესიაში შესაძლო მონაწილეობასთან დაკავშირებით. კერძოდ, საუბარია ოკუპაციის შესახებ საქართველოს კანონზე, რომლის პირობებიც სერგეი ლავროვს დარღვეული აქვს.

ეკონომიკის საფუძველი თავისუფალი ბიზნესია...

ეკონომიკის საფუძველი და ხერხემალი თავისუფალი ბიზნესია, ძლიერი ქართული ბიზნესი, რომელიც ქმნის სამშაობლო ადგილებს, - ამის შეხატვით საქართველოს პრემიერ-მინისტრმა გიორგი გახარია ეკონომიკური კონფერენციის - „საქართველო და მსოფლიო 2020“ გახსნა, სიტყვით გამოსვლისას განაცხადა.

მისივე თქმით, ქვეყნის ეკონომიკის სისტემური გამოწვევა დამატებითი სამუშაო ადგილების შექმნაა. კერძო სექტორსა და სახელმწიფო ინტერესს შორის დაბალანსებული პოლიტიკის გარეშე კი სერიოზული შედეგების მიღწევა შეუძლებელია.

„ჩვენ არ ვართ დაინტერესებული, ვისაუბროთ მხოლოდ საქართველოს მთავრობის მიღწევებზე. ჩვენი ინტერესი უფრო არის, ვისაუბროთ საქართველოს ბიზნესის მიღწევებზე, რამეთუ ყველას კარგად გვესმის, რომ ჩვენი ეკონომიკის საფუძველი და ხერხემალი თავისუფალი

ბიზნესია, ძლიერი ქართული ბიზნესი, რომელიც ქმნის სამუშაო ადგილებს. მოგეხსენებათ, ჩვენი ეკონომიკის სისტემური გამოწვევა დამატებითი სამუშაო ადგილების შექმნა გახლავთ. აქ დაბალანსებული ურთიერთობის, დაბალანსებული პოლიტიკის გარეშე კერძო სექტორსა და სახელმწიფო ინტერესს შორის, სერიოზული შედეგების მიღწევა შეუძლებელია. გამომდინარე იქიდან, რომ ჩვენ დღეს ასეთი მასშტაბური და გლობალური სათაური გვაქვს ჩვენი კონფერენციის - „საქართველო და მსოფლიო 2020“, ეკონომიკურ ტრილში ვსაუბრობთ, რა თქმა უნდა, ხაზგასმით უნდა აღვნიშნოთ, რომ ჩვენ განვიხილავთ ჩვენს ქვეყანას საქართველოს ეკონომიკურად, როგორც ძლიერ პლატფორმას, რომელიც ემსახურება დიდი ეკონომიკის სერვისებით მობარაგებას“, - განაცხადა გახარია.

მისივე თქმით, კონფერენცია საშუალებას იძლევა, ყველა დაინტერესებულ მხარეს შეხვედნის შესაძლებლობა, განი-



ხილონ, პირველ რიგში, ქართული ეკონომიკის გამოწვევები და შესაბამისად, მიღწევები.

„საქართველო მიზანმიმართულად ასორციელებს მთელი რიგი თავისუფალი სავაჭრო რეჟიმების ხელშეკრულებების გაფორმებას. საქართველო გახლავთ ერთადერთი ქვეყანა, რომელსაც თავისუფალი სავაჭრო რეჟიმი აქვს როგორც ჩინეთთან, ისე ევროკავშირთან და ჩვენს ყველა მეზობელთან. უკვე მოლა-

პარაკების აქტიურ რეჟიმში ვართ და მალე დავასრულებთ ისრაელთან, ასევე ინდოეთთან და ჩვენ გვექნება ძალზე ძლიერი პორტფელი თავისუფალი სავაჭრო რეჟიმებისა.

რატომ? - ჩვენ ხომ ყველას კარგად გვესმის, რომ საქართველო პატარა ბაზარია, მაგრამ მიუხედავად ამისა, ჩვენ გვსურს, რომ ქვეყანა გახდეს, პირველ რიგში, პლატფორმა, ჰაბი, დიდი ეკონომიკებს შორის ვაჭრობის,

ბიზნესაქტივობისა და ინვესტიციების მომსახურების თვალსაზრისით. სწორედ ამიტომ ვქმნით ჩვენ ძლიერ პაკეტს თავისუფალი სავაჭრო რეჟიმებისა,“ - განაცხადა პრემიერ-მინისტრმა.

გიორგი გახარია ხაზი გაუსვა, რომ საქართველოს მთავრობა ყველაფერს აკეთებს, რათა ქვეყანაში შეიქმნას განსაკუთრებული ბიზნესკლიმატი ყველა სფეროში, განსაკუთრებით კი, სერვისის სფეროში.



თბილისში მიმდინარე ეკონომიკური კონფერენციის „საქართველო და მსოფლიო 2020“ ფარგლებში, მისასალმებელი სიტყვით ლეშეკ ბალცეროვიჩი გამოვიდა. ვარშავის ეკონომიკური სკოლის პროფესორმა და პოლონეთის ყოფილმა ვიცე-პრემიერმა მსოფ-

ლეშეკ ბალცეროვიჩი: საქართველომ პრივატიზაციის, ბიზნესის გახსნილობის კუთხით ბევრს მიაღწია!

ლიოს ქვეყნების ეკონომიკური ზრდის განმსაზღვრელ ფაქტორებზე ისაუბრა და ამ კუთხით, საქართველოს მიერ მიღწეულ პროგრესზე გაამახვილა ყურადღება.

ლეშეკ ბალცეროვიჩის შეფასებით, საქართველომ ბევრს მიაღწია სახელმწიფო ქონების პრივატიზაციაში და ბიზნესის გახსნილობის კუთხით. „ეკონომიკა უნდა იყოს კერძო, სახელმწიფო მესაკუთრეობა რისკია, იმიტომ, რომ ძალიან მარტივად ხდება პოლიტიზირება, საკუთრება უნდა იყოს კერძო. ამ თვალსაზრისით საქართველომ ბევრს მიაღწია. მეორე ეს არის მონოპოლიების მოშლა, გახსნილობა და ჩვენ მოვისმინეთ ის, თუ რას აკეთებს საქართველო ამ ფრონტზე“, - განაცხადა პროფესორმა.

ამასთან, როგორც ბალცეროვიჩმა განაცხადა, სწორი რეგულაციები და რეგულაციები, დასაქმების ზრდა, პროდუქტიულობა, ინოვაციები, კანონის უზენაესობა, პოლიტიკოსებისაგან და ბიზნესებისაგან დამოუკიდებელი პროკურატურა წარმოადგენს იმ ძირითად ფაქტორებს, რომლებიც განაპირობებენ ეკონომიკის ზრდას მსოფლიო ქვეყნებში. კონფერენცია, სახელმწიფო დეპარტამენტის და მსოფლიო 2020 საქართველოს პრემიერ-მინისტრმა გიორგი გახარია განაცხადა. კონფერენცია ბრიტანული ჟურნალის - THE ECONOMIST წლიური გამოცემის „მსოფლიო 2020 წელს“ ეგიდით და საქართველოს ეკონომიკისა და მდგრადი განვითარების სამინისტროს ორგანიზებით უკვე მეორედ ტარდება.

ფრიდრიხ ნაუმანის ფონდი: საქართველო ეკონომიკის თავისუფლების მაჩვენებლით ევროპაში პირველ ადგილზეა

ფრიდრიხ ნაუმანის ფონდის მიერ წარმოებული ინდექსის „თავისუფლების ბარომეტრი - ევროპა 2019“ მიხედვით საქართველო ევროპაში 27-ე ადგილზე გავიდა და შეფასების 100-ბალიანი შკალიდან 69.06 ქულა მიიღო, რაც ქვეყნის ახალი ისტორიული მაქსიმუმია.

საქართველომ გაუსწრო ევროკავშირის წევრ ისეთ სახელმწიფოებს, როგორცაა: იტალია, ხორვატია, ბულგარეთი, საბერძნეთი, უნგრეთი. საქართველო რეიტინგით ყველა მეზობელ ქვეყანას უსწრებს, ხოლო პოსტ-საბჭოთა სივრცეში მხოლოდ ბალტიისპირეთს ჩამორჩება.

აღსანიშნავია, რომ ამავდროულად, საქართველომ პირველ ადგილზე გავიდა ეკონომიკის თავისუფლების ინდექსის მიხედვით. კვლევაში ხაზგასმულია ის ფაქტი რომ საქართველო არა მხოლოდ პირ-

ველ ადგილზეა ეკონომიკის თავისუფლების მიხედვით ევროპაში, არამედ მიდევრია ეკონომიკის თავისუფლების გაუმჯობესების მიხედვითაც. საქართველო ერთადერთი ქვეყანაა ევროპაში, რომელმაც 2019 წელს ეკონომიკის თავისუფლების ინდექსის 1-პუნქტიანი გაუმჯობესება შეძლო, ნახევარპუნქტიანი გაუმჯობესება კი მხოლოდ ორმა ქვეყანამ (იტალია, სომხეთი) მიახერხა.

კვლევაში, გამორჩეული ადგილი უჭირავს საქართველოში პრესის თავისუფლების საკითხს, რომელიც ანგარიშის თანახმად ბოლო წლებში მნიშვნელოვნად გაუმჯობესებული. გამოყოფილია კორუფციის საკითხიც, ნათქვამია რომ საქართველო, როგორც მინიმუმ ევროკავშირის წევრი ქვეყნების 1/3-ს მაინც უსწრებს კორუფციის სიმცირით. ისტორიულ მაქსიმუმზეა კერძო საკუთრების

დაცულობის მაჩვენებელიც. კანონის უზენაესობის ინდექსის მიხედვით, საქართველო ევროპაში 29-ე ადგილზე გავიდა და გაუსწრო ევროკავშირის წევრ სამ ქვეყანას: რუმინეთს, საბერძნეთს და ბულგარეთს. ამ ინდექსით საქართველო უპირობო ლიდერია კავკასიასა და შავი ზღვისპირეთში.

აღნიშნული კვლევის მიხედვით საქართველოში „სასამართლოს დამოუკიდებლობის“ მაჩვენებელიც გაუმჯობესდა. საქართველო ამ ინდექსით უსწრებს დიდი შვიდეულის ერთ, ევროკავშირის ოთხ, ნატოს წევრ შვიდ სახელმწიფოს. კვლევის თანახმად საქართველოში სასამართლოს დამოუკიდებლობა უფრო მაღალ დონეზეა ვიდრე იტალიაში, საბერძნეთში, ხორვატიაში, ბულგარეთში და ა.შ. საქართველო ლიდერია კავკასიაში და რუმინეთთან ერთად (თანაბარი ქულით) პირველ ადგილზეა შავი ზღვისპირეთში. ამასთან, საქართველო პოსტსაბჭოთა სივრცეში სასამართლოს დამოუკიდებლობის მიხედვით მხოლოდ ბალტიისპირეთს ჩამორჩება.

შედარებისათვის, 2012 წელს საქართველო „თავისუფლების ბარომეტრის“ მიხედვით ევროპაში 39-ე ადგილზე იყო. დღეისათვის ქვეყნის სარეიტინგო პოზიცია 12 ადგილითაა გაუმჯობესებული!

სახელმწიფო უსაფრთხოების სამსახურის უფროსი ისრაელის სახელმწიფოს ელჩ უხვდა

სახელმწიფო უსაფრთხოების სამსახურის უფროსმა გრიგოლ ლილუაშვილმა საქართველოში ისრაელის სახელმწიფოს ახალდანიშნულ ელჩთან რან გიდორთან შეხვედრა გამართა.

შხარეებმა მსოფლიოსა და რეგიონში უსაფრთხოების კუთხით არსებული ვითარება მიმოიხილეს. შეხვედრაზე ხაზი გაესვა საქართველოსა და ისრაელის სახელმწიფოს შორის მეგობრულ ურთიერთობებს და შესაბამის უწყებებს შორის უსაფრთხოების სფეროში არსებული თანამშრომლობის მნიშვნელობას. გრიგოლ ლილუაშვილმა და რან გიდორმა ორი ქვეყნის წინაშე არსებული გამოწვევების შესახებ ისაუბრეს და სამომავლო თანამშრომლობის გაღრმავების პერსპექტივები დასახეს. სახელმწიფო უსაფრთხოების სამსახურის უფროსმა რან გიდორს ელჩად დანიშნა მიულოცა და წარმატებები უსურვა.

სახელმწიფო უსაფრთხოების სამსახურის უფროსმა გრიგოლ ლილუაშვილმა საქართველოში ისრაელის სახელმწიფოს ახალდანიშნულ ელჩთან რან გიდორთან შეხვედრა გამართა. შეხვედრაზე ხაზი გაესვა საქართველოსა და ისრაელის სახელმწიფოს შორის მეგობრულ ურთიერთობებს და შესაბამის უწყებებს შორის უსაფრთხოების სფეროში არსებული თანამშრომლობის მნიშვნელობას. გრიგოლ ლილუაშვილმა და რან გიდორმა ორი ქვეყნის წინაშე არსებული გამოწვევების შესახებ ისაუბრეს და სამომავლო თანამშრომლობის გაღრმავების პერსპექტივები დასახეს. სახელმწიფო უსაფრთხოების სამსახურის უფროსმა რან გიდორს ელჩად დანიშნა მიულოცა და წარმატებები უსურვა.



ოპოზიციის ხელისუფლების შეთავაზებაზე უარს აცხადებს. ამბობენ, რომ პროპორციული არჩევნების, პოლიტიკური დევნის შეწყვეტის და პოლიტიკატიმრების გათავისუფლების გარეშე დიალოგი წარმოუდგენელია. ამავე დროს, ოპოზიციისთვის მიცემული ვადა იწურება. რაც იმას ნიშნავს, რომ მოლაპარაკების შანსი სულ უფრო მცირდება. საპარლამენტო უმრავლესობის ლიდერის განცხადებით, გარკვეული დროის შემდეგ საარჩევნო კოდექსში ცვლილებების შეტანა ვერ მოხერხდება.

„რაც უფრო მეტი დრო გავა, მით უფრო მცირდება მოლაპარაკების შანსი, ჩვენ გარკვეული დროის შემდეგ ვეღარ შევძლებთ საარჩევნო კოდექსში ცვლილებებს და აქედან გამომდინარე, რადგან რამდენიმე დღე დარჩა, ვფიქრობ, ისინი ბოლოს პასუხისმგებლობას ვეღარ გაექცევიან და მოლაპარაკებებში შემოვლენ, მოლაპარაკებებში, რომელიც მხოლოდ და მხოლოდ ქვეყნის სასიკეთოდ უნდა მოქმედებდეს და არა რომელიმე პარტიის ინტერესებს ემსახურებოდეს“, — განაცხადა მამუკა მდინარაძემ.

იმ შემთხვევაში, თუ ხელისუფლება უარს იტყვის მის მიერვე აღებული ვალდებულებების შესრულებაზე, ოპოზიციის პასუხი ამაზეც ექნება. „ნაციონალური მოძრაობის“ წევრის **სალმე სამადაშვილის** განცხადებით, შეუძლებელია მოლაპარაკებებზე საუბარი, როცა მაგიდიდან მძევლად აჰყავთ ადამიანები, რომლებიც მოლაპარაკებებს აწარმოებენ.

„ოპოზიციის მოთხოვნები ნათელია. აქ საუბარი არ შეიძლება იყოს რაიმე ტექნიკურ შეთანხმებაზე, თუ რამდენიმე მაჟორიტარი აირჩევა და შემდეგ რამდენიმე პროპორციული სიით შევა. საუბარი არის პრინციპზე, რომ ჩვენს ქვეყანაში დაცული იყოს დემოკრატიული არჩევანის უფლება და არჩევნებმა უზრუნველყოს ქართველი ხალხის ნების ასახვა იმ ხელისუფლებაში, რომელიც დაკომპლექტდება არჩევნების შედეგად. საუბარია ორ მოთხოვნაზე, ერთია — საარჩევნო სისტემის ცვლილება და მეორეა — პოლიტიკური დევნის და პოლიტიკური ნიშნით დაპატიმრების საკითხი“, — აცხადებს **სალმე სამადაშვილი**.

გონივრული კომპრომისის შემთხვევაში მოლაპარაკების მაგიდას დაუბრუნდება „ევროპული საქართველო“. როგორც **გიბა ბოქაძე** აცხადებს, საარჩევნო სისტემასთან დაკავშირებით ოპოზიციამ მმართველ პარტიას რამდენიმე კომპრომისული ვარიანტი შესთავაზა. თუმცა, ბოქაძის თქმით, მმართველმა გუნდმა მოლაპარაკებები ჩაშალა და პოლიტიკური რეპრესიები გააგრძელა.



ოპოზიციის მოლაპარაკებების გაბიჯას არ უბრუნდება და რევოლუციურ სენარზე მუშაობს

„ჩვენ რამდენიმე კომპრომისული წინადადება ვუთხარით. ბოლო წინადადება იყო, რომ ისეთი ბალანსი იყოს, 40 პროცენტზე არსებითად მეტი ჰქონდეს ნებისმიერ პირველ ადგილზე გასულ პარტიას, რათა უმრავლესობის შანსი ჰქონდეს. ეს წინადადება მიიღეს და ამის შემდეგ ჩაშალეს მოლაპარაკებები, თქვეს, არაფერი გვაინტერესებსო და გააგრძელეს პოლიტიკური რეპრესიები, დაიჭირეს გიგი უგულავა.“

ჯერჯერობით არ მაქვს ნიშნები, რომ გონს მოვგნენ. თუ ეს ნიშნები გვექნება, ძალიან კარგი. რა არის მოსალაპარაკებელი? ყველაფერი ცნობილია. ანუ, სწორად უნდა გავიგოთ — თუ რამე გადაწყვეტილება აქვთ, საჯაროდ ან არასაჯაროდ ამის შეტყობინების უამრავი გზა არსებობს და ახლა ჩაიციკლნენ, რომ ჩვენ მოლაპარაკებისთვის მზად ვართ, ამას ვინ ჭამს. მოლაპარაკებები რომ სდომოდეთ, გონივრული კომპრომისის უამრავი შესაძლებლობა ჰქონდათ და რეპრესიები არ უნდა დაეწყათ“, — აცხადებს **გიბა ბოქაძე**.

„შენების მოძრაობის“ ლიდერი და-

ვით უსუფაშვილის განცხადებით, ყველაფერს გააკეთებენ იმისათვის, რათა საარჩევნო სისტემაზე გონივრული შეთანხმება შედგეს, თუმცა მისივე თქმით, ამისთვის ცოტა დროა დარჩენილი.

„ქვეყანა ჩიხში შევიდა 13 თუ 14 ნოემბერს, როდესაც პროპორციული სისტემა ჩავარდა. მას შემდეგ არის ჩიხიდან გამოსვლის მცდელობა. ამ მცდელობაში ოპოზიციური ძალები ვართ უფრო თანამიმდევრული, მონდომებული და მოწადინებული. მას შემდეგ, რაც ქვეყნის ჩიხიდან გამოყვანაში აქტიურად ჩაება საერთაშორისო თანამეგობრობა, გაჩნდა ჩიხიდან გამოსვლის გარკვეული იმედები, მაგრამ ამისთვის დრო ცოტაა დარჩენილი.“

დიალოგის პროცესში ჩვენ ვილაპარაკეთ ყველაფერზე, რაზეც ლაპარაკი ყველებოდა. სამი სხვადასხვა გამოსავალი შევთავაზეთ მათ წინადადებებზე. 100/50 როცა თქვეს, აქაც მივანიშნეთ ამ ნაბიჯის გადადგმა რა ბალანსით შეიძლება, ანუ ეს არის ის ბალანსი, რომელიც 40 პროცენტზე ნაკლები მხარდაჭერის მქონე პარტიას არ მისცემს საშუალებას, იყოს ერთპიროვნულად ხელისუფლებაში.“

მარტივია ეს ფორმულა და აქ რიცხვებში არ არის საქმე, პრინციპშია საქმე. ეს ყველაფერი მათთვის ცნობილია“, — განაცხადა **დავით უსუფაშვილმა**.

კრიზისიდან გამოსვლისთვის „ლელოს“ ერთ-ერთი ლიდერის **ბადრი ჯაფარიძის** განცხადებით, აუცილებელია შეწყდეს პოლიტიკური დევნა და პოლიტიკატიმრები გათავისუფლდნენ.

„დიალოგისთვის არის ელემენტარული წესი დასაცავი, ერთი მხარე არ უნდა იყენებდეს ძალისმიერ ინსტრუმენტებს მეორე მხარის ერთ-ერთი წამყვანი წევრის დასაკავებლად მოლაპარაკების პროცესში. ამან ჩაშალა მოლაპარაკებები. თუმცა, ჩვენი მეგობარი ქვეყნების დიპლომატიები ძალისხმევას არ იშურებენ იმისთვის, რომ მაინც მოხდეს შეთანხმება, რაც უზრუნველყოფს საარჩევნო სისტემის სამართლიანობას და ქართველი ხალხის ნების ადეკვატურად ასახვას პარლამენტში და ჩვენ ამას, რა თქმა უნდა, მხარს ვუჭერთ. მოლაპარაკების და პოლიტიკური კრიზისიდან გამოსვლისთვის აუცილებელია შეწყდეს პოლიტიკური დევნა და გათავისუფლდნენ პოლიტიკური პატიმრები“, — ამბობს **ბადრი ჯაფარიძე**.

პარლამენტის თავდაცვისა და უშიშროების კომიტეტის თავმჯდომარის **ირაკლი სოსიაშვილის** განცხადებით, ხელისუფლების ოპონენტები რევოლუციური მიზნებისკენ ცდილობენ სიტუაციის წაყვანას, რაც პირველ რიგში, ქვეყნისთვის არის საზიანო.

„მმართველმა პარტიამ ოპოზიციას და საზოგადოებას შესთავაზა კომპრომისული ვერსია. სამწუხაროდ, მე ვხედავ რადიკალურ პოზიციებს, რომელიც არ არის ორიენტირებული იმ შედეგზე, რომ ქვეყანაში მშვიდობიანად, თავისუფალ რეჟიმში ჩატარდეს არჩევნები. ამიტომ მეჩვენება, რომ ჩვენი ოპონენტები რევოლუციური მიზნებისკენ ცდილობენ სიტუაციის წაყვანას, რაც, პირველ რიგში, ქვეყნისთვის არის საზიანო.“

იმედი მაქვს, რომ ოპოზიციისთან ერთად მოხერხდება კომპრომისულ ვერსიაზე შეჯერება. რაც მთავარია, ყველა უნდა გაიაზროს, რომ რევოლუციური მეთოდებით ქვეყანაში სიტუაციის არევა არავის გამოუვა. არჩევნებამდე რამდენიმე თვეა დარჩენილი და ცხადია, რომ ოპოზიციის შეცდება საკუთარი ძალების მობილიზებას. ჩვენც ღირსეული კანდიდატები გვეყოლება და ცხადია, ორიენტრებული ვართ გამარჯვებზე. ამისთვის ყველაფერს გავაკეთებთ“, — განაცხადა **ირაკლი სოსიაშვილმა**.

თამთა ძარჩავა

ჩინეთთან და ირანთან პირდაპირი ურთიერთობის შეზღუდვით საქართველო თბილისში მილიონს კარგავს!

— ამის შესახებ საქართველოს ეკონომიკის მინისტრმა ნათია თურნავამ განაცხადა.

მისივე თქმით, მიუხედავად დიდი ზარალისა, მთავარი მაინც მოქალაქეების ჯანმრთელობის დაცვაა და მთავარობა ყველაფერს აკეთებს იმისთვის, რომ საქართველოს მოქალაქეების ჯანმრთელობა დაცული იყოს.

ცნობისთვის, საქართველომ პრევენციის მიზნით, ჩინეთთან პირდაპირი ფრენები შეწყვიტა. ვირუსის ირანში გავრცელების შემდეგ კი, 23 თებერვალს, ამ ქვეყნიდან საქართველოში და პირიქით, ფიზიკური პირების გადაადგილება შეიზღუდა.

ასევე არ გამოირიცხავენ მეზობელ ქვეყნებთან სახმელეთო საზღვარზე გადადგილების შეზღუდვას.

შეგახსენებთ, ახალი კორონავირუსის პირველი შემთხვევა დაფიქსირდა ალჟირში. ვირუსი გავრცელებულია მსოფლიოს თითქმის 37-მდე ქვეყანაში.



ლია კრილაშვილი მთავარ პროკურორთან შეხვედრას ითხოვს

ლია კრილაშვილი მისი ძმის, პოლკოვნიკ გია კრილაშვილის გარდაცვალების საქმეზე ვანო მერაბიშვილის დაუფონდებელი პასუხისმგებლობის მიცემას ითხოვს. მან მთავარ საგამომძიებო ორგანოში მთავარ პროკურორთან შეხვედრის მოთხოვნით განაცხადი შეიტანა.

კრილაშვილს მიაჩნია, რომ შინაგან საქმეთა ყოფილ მინისტრს აუცილებლად უნდა წაუყენონ ბრალი. მას პრეტენზიები აქვს საგამომძიებო უწყებასთან და აცხადებს, რომ წლებია, ეს საქმე თაროზეა შემოდებული. რეალურად კი მისი განცხადებით, პოლკოვნი-



კის მკვლელობა სწორედ მერაბიშვილმა დაუკვეთა, ხოლო ბრძანების გამცემი ყოფილი პრეზიდენტი მიხეილ სააკაშვილი იყო.

პოლკოვნიკ გია კრილაშვილს ე.წ. მუხროვანის ამბოხის ორგანიზებასა და დაუმორჩილებლობაში ედებოდა ბრალი.

მაჟორიტარობის კანდიდატებზე შეთანხმება არ არსებობს

სახელმწიფო და გვარებზე შეთანხმება არ არსებობს. პარტიის შიგნით ვინ რომელ კანდიდატებზე მსჯელობს, ეს მხოლოდ მათი საქმეა. ყველა პარტია ამ ეტაპზე მხოლოდ საკუთარ მონახაზს აკეთებს, — ამის შესახებ ჟურნალისტებს პარტია „ნაციონალური მოძრაობის“ ერთ-ერთმა ლიდერმა ზაალ უდუმაშვილმა განუცხადა.

მისივე თქმით, „მთავარი ამოცანა პროპორციული არჩევნებია, მაგრამ იმ შემთხვევაში, თუ შერეული მოდელი დარჩა, ჩვენ ამისთვის მზად უნდა ვიყოთ“, — განაცხადა უდუმაშვილმა.

21 თებერვალს „ევროპული საქართველო“ ერთ-ერთმა ლიდერმა გიგა ბოკერიამ ჟურნალისტებს განუცხადა, რომ თბილისში საკვანძო ადგილებზე მაჟორიტარობის კანდიდატებთან დაკავშირებით გვარების დონეზე შეთანხმება მიღწეულია.



პრეზიდენტის პირდაპირი მოხსენება



ნიკოლაე და ელენე ჩაუშესკუბის სისოსხლის ბოლო ნაგებობა

სამ ათეულ წელზე მეტი გავიდა მას შემდეგ, რაც ყოფილი რუმინეთის სოციალისტური რესპუბლიკის პრეზიდენტი ნიკოლაე ჩაუშესკუ და მისი მეუღლე ელენე ქვეყნის სამხრეთის ქალაქ ტირგოვიშტეში, ძველ ყაზარმაში, ნაჩქარევად ჩატარებული სასამართლოს მიერ გამოტანილი განაჩენით, ასევე სასწრაფოდ დახვრიტეს.

ჩაუშესკუების თავად სიკვდილით დასჯაც კი მიღებული წესების დარღვევით მოხდა: კაპიტანმა ბოერმა ცოლ-ქმარს თეძოსთან მიტანილი პისტოლეტიდან ყოველგვარი განკარგულების გარეშე დაუწყო სროლა, ასევე მოიქცა ორი რიგითიც. სიკვდილის წინ ნიკოლაე ჩაუშესკუს თავი ღირსეულად ეკავა, ელენე კი ჯალათებს უკანასკნელი სიტყვებით აგინებდა.

რუმინეთის პრეზიდენტი ნიკოლაე ჩაუშესკუ მეუღლე ელენესთან ერთად 1989 წლის 22 დეკემბერს დააკავეს, როცა მოლაღატებმა, მათ შორის პირადმა მეგობარმა, გენერალმა სტენკულებსკუმ, ისინი ამბოხებული ბუქარესტის დროებით დატოვებაზე დაიყოლიეს.

მასმედიაში გამუდმებით მუსირებს აზრი, რომ ჩაუშესკუების სწორედ საშობაოდ დახვრეტის აზრი პირველს ასევე მათ ყოფილ დაახლოებულ პირს, თავის დროზე ვიცე-პრემიერს ვოიკან ვოიკულესკუს მოუვიდა.

რევოლუციის გასამართლება, თუკი მან გაიმარჯვა, არ შეიძლება. ყველაფერი მარტივად იყო: ან ჩვენ უნდა მოვრეოდით მათ, ან ისინი დაგვჯაბნიდნენ, — ამბობს ის.

რუმინეთში დღესდღეობითაც არ წყდება კამათი, თუ რა მოხდა ქვეყანაში სამი ათეული წლის წინათ — დემოკრატიის გამარჯვება თუ სახელმწიფო გადატრიალება?

არადა, „იდეალურ ბელადს“, როგორც მას პროპაგანდა უწოდებდა,

სოფლელ ბიჭს ნიკოლაე ჩაუშესკუს სულ ოთხი კლასის განათლება ჰქონდა. 11 წლისამ შევიდა დაინყო ბუქარესტში პირნავარდნილ „ნითელ“ მენაღესთან, შედეგად 15 წლის ყმანვილი უკვე კომუნისტური იდეებით იყო განმსჭვალული, რომელმაც მთელი მეორე მსოფლიო ომი ციხეში გაატარა, ძალაუფლებაში კომუნისტების მოსვლის შემდეგ კი თავბრუდამხვევი კარიერა გაიკეთა. 1965 წელს, ქვეყნისა და პარტიის ლიდერად გახდომის შემდეგ, იგი მოსკოვის მითითებების ბრძანდ შესრულებას კი არ შეუდგა, არამედ საკუთარი პოლიტიკის გატარება დაიწყო: არ დაუშვა რუმინეთში საბჭოთა ბაზის შექმნა, დაგმო საბჭოთა ჯარების ჩეხოსლოვაკიასა და ავღანეთში შეჭრა, მეგობრობდა სოციალისტური ბანაკის მიერ „გაკიცხულ“ ალბანეთსა და ჩინეთთან. ამის გამო ჩაუშესკუ დასავლეთში მოსწონდა და ამიტომ ქვეყანას დიდძალი კრედიტებიც გამოუყვეს. იგი პატივს მიაგებდა იოსებ სტალინს, დიდად აფასებდა მეორე მსოფლიო ომში მის უდიდეს ღვაწლს და მიაჩნდა, რომ ქვეყანაში ინდუსტრიალიზაცია რომ არ ჩატარებინა, გერმანიასთან დაპირისპირება სულ სხვაგვარად დასრულდებოდა...

სიკვდილიდან 30 წელზე მეტი წლის შემდეგ, ნიკოლაე და ელენე ჩაუშესკუებს, როგორც იქნა, საკადრისი საფლავი აღიწესეს, რომლის წარწერასთან „რუმინეთის პრეზიდენტი“ მუდამ ცოცხალი ყვავილები აწყვიდა.

საზოგადოებრივი აზრის გამოკითხვით კი, ქვეყნის მოსახლეობის 46 პროცენტი დღესაც კი ხმას ჩაუშესკუს მისცემდა...



„ერის მამის ჭაღარა ჩემი გული დაღარა!..“

ცოტა ხნის წინათ, თურქმენეთში მამაკაცებს თმის შავად შეღებვა აუკრძალეს(!)

თურქულენოვანი რადიო „აზალტიკის“ მონაცემებით, „ქვეყნის პრაქტიკულად ყველა პროფილურ დაწესებულებაში, მათ შორის, სკოლებში, ჯანდაცვის უწყებებსა და ა.შ. სადაც მამაკაცები თმის იღებავენ ჭაღარის დასაფარად, ამის გაკეთება აიკრძალა — ყველამ ბუნებრივი ფერის თმით უნდა იაროს“. ამასთან, ჟურნალისტები აზუსტებენ, რომ „განკარგულება ზეპირი იყო“.

საბიუჯეტო ორგანიზაციების ხელმძღვანელებმა თანამშრომლებისადმი ახალი მოთხოვნა იმას დაუკავშირეს, რომ თურქმენეთის 62 წლის პრეზიდენტმა გურბანგული ბერმუხამედოვმა კიდევ ერთხელ შეიცვალა იმიჯი: თუკი უნინ მას კუპრით შავი თმა ჰქონდა, აგერ უკვე მეორე წელია — 2018 წლიდან მოყოლებული — შიგადაშიგ ჭაღარა შეერია. ექსპერტები აზრს გამოთქვამენ, რომ სახელმწიფოს მეთაური ამით ხალხში „ერის ბრძენი მამის“ სახეს იმკვიდრებს. ამასვე მოწმობს საზოგადოებრივ თავყრილობებზე მისი შვილიშვილებთან ერთად გამოჩენაც.

ისე კი, იმის გახსენებაც შეიძლება, რომ სხვადასხვა წლებში თურქმენეთში მოქალაქეთათვის სხვა არაფორმალური მოთხოვნების წაყენების პრაქტიკაც იყო, მათ შორის, მათ „სთხოვდნენ“, არ ჩაესვათ ოქროს კბილები, მამაკაცებს არ ეტარებინათ გრძელი თმა და წვერი, ხოლო ქალებს თმა ქერად არ შეეღებათ. 2018 წელს კი ქვეყანაში „შინაურულად“ აკრძალეს მუქი ფერის მანქანებით სიარული.

ქალის მკერდის „ოქროს კვეთის“ პარამეტრები



არამარტო კაცობრიობის კვების „უპირველესი“ „წყაროა“, არამედ მამაკაცთა ყურადღების მიზიდვის ერთ-ერთი უმნიშვნელოვანესი ობიექტიც. არადა, 21-ე საუკუნეში ვერც ფილოსოფოსები და ვერც პლასტიკური ქირურგები ვერ შეთანხმდნენ, მაინც რომელი მკერდია უფრო მიმზიდველი — გამორჩეული, მონუმენტური, მორიდებული თუ პიკანტური ფორმების.

ცოტა ხნის წინათ მეცნიერებმა გადამკვიტეს მამაკაცთა და ქალთა მზერის მიმართულებით დაედგინათ ქალის მკერდის ოქროს კვეთის პარამეტრები. ამ მიზნით მათ ქალის მკერდი დაახლოებით ორ ათეულ გეომეტრიულ ფიგურად დაჰყვეს, შემდეგ დისპლების წინ ორივე სქესის წარმომადგენლები დასვეს და ეკრანებზე სხვადასხვა ზომისა და ფორმის ქალის მკერდს აჩვენებდნენ, თანაც მათი ესთეტიკისა და სიმეტრიის შეფასებას სთხოვდნენ. სინამდვილეში მკვლევარებს მხოლოდ ის აინტერესებდათ, პირველ რიგში მკერდის რომელ ნაწილს დაუწყებდნენ მოხალისეები თვალიერებას. ამისთვის კი კომპიუტერი მზერის მიმართულებას საგანგებოდ დააფიქსირებდა.

აღმოჩნდა, რომ ყველაზე მეტად მამაკაცებიც და ქალებიც ქალის მკერდის შუა ნაწილს აკვირდებოდნენ, ხოლო ზედა ნაწილს, რომელსაც ქალბატონები ჩვეულებრივ ღია დეკოლტეშიც აჩვენენ, თითქმის არავის აინტერესებდა.

დასკვნა ასეთია: მეცნიერები აცხადებენ, რომ გარკვეულ განსხვავებათა მიუხედავად, მამაკაცებსაც და ქალებსაც მკერდის სილამაზის შესახებ დაახლოებით ერთნაირი წარმოდგენები აქვთ.

ისევე, როგორც ზოგადად სილამაზე, ადამიანის სხეულის სხვადასხვა ნაწილის მიზიდველობა, დედამიწის ცალკეულ კუთხეში ნორმად აღიარებული სხვადასხვა კრიტერიუმის მიუხედავად, მაინც უფრო ინდივიდუალური გემოვნების საკითხია. ერთი ასეთი „გამორჩეული“ სფეროა ქალის მკერდი, რომელიც

ისუთქეთ „შემთხარი“ ჰაერით!




შემოდგომასა და ზამთარში ცივი ჰაერი ბრონქების სპაზმების მიზეზი ხდება, რაც ასთმით დაავადებულთათვის დიდ პრობლემას წარმოადგენს. ანალოგური პრობლემის წინაშე დგანან თამბაქოს მწველებიც.

უსიამოვნებათა დონის შესამცირებლად ეცადეთ, ქუჩაში კაშენ ან სამედიცინო ნილაბი გეკეთოთ, რადგან ასე შესუთქული ჰაერი ფილტვებში ოდნავ შემთხარი ხდება.

ყავა — მარგებელი

მეცნიერებმა დაადგინეს, რომ ყავა ცხიმს წვავს. ექსპერიმენტების შედეგად დადგინდა, რომ ყავის მოხმარება ხელს უწყობს მურა ცხიმის წარმოშობას, რომელიც ორგანიზმიდან სახიფათო თეთრ ცხიმს აძევებს. უნინ ითვლებოდა, რომ თეთრი ცხიმის მურად გარდაქმნა მხოლოდ გაკაჟებთა და ფიზიკური აქტივობით შეიძლებოდა, ახლა კი აღმოჩნდა, რომ ასეთივე ეფექტი აქვს დღის განმავლობაში მირთმეულ ორ ფინჯან ყავას.



ნუ მოწვით, მით უმეტეს სიცხვეში!



ბამოკვლევები ცხადყოფს, რომ მოკარდის ინფარქტების, ანუ კორონარული სისხლძარღვის დაცობის სისხირე წლის ცივ დროში მატულობს. მიზეზი სავსებით გასაგებია — სიცხვეში სისხლძარღვები ვიწროვდება, რის შედეგადაც გულს მუშაობა უჭირს, ამიტომაც ვიწრო მილაკები უფრო ადვილად იბიძნება.

ამიტომაც გულის ჯანმრთელობისთვის მნიშვნელოვანია შემოდგომასა და ზამთარში ხელფეხი თბილად გქონდეთ. ამისთვის საჭიროა ფეხსაცმელი სეზონის შესაბამისად, სქელ ძირზე შეარჩიოთ და თბილი წინდების ჩაცმასაც ნუ დაივიწყებთ, ყინვების დროს კი ხელთათმანები აუცილებლად ატარეთ.

აქვე იმასაც შეგახსენებთ, რომ თამბაქოს მოწვევა გულით სნეულებისთვის სიცხვეში განსაკუთრებით მავნეა, რადგან სისხლძარღვთა სპაზმს კიდევ მეტად აძლიერებს.

საგზო

ოქელაუვილთა საკადრისი...

უკვე გაუწყეთ, რომ მინსკში მიმდინარე „ა“ კლასის პრესტიჟულ საერთაშორისო ტურნირზე – „ბელარუსის პრეზიდენტის თასი“ – წარმატებით ასპარეზობდნენ ქართველი სამბისტები.

მათ ბოლომდე შეინარჩუნეს კარგად აღებული ტემპი და საბოლოოდ სამშობლოში საკმაოდ უხვი ნადავლით დაბრუნდნენ – 3 „ოქრო“ და 6 „ბრინჯაო“.

გათამაშების დასკვნით დღეს ჯონდო მუზაშვილის შეგირდთაგან კვარცხლბეკის უმაღლეს საფეხურზე ნინო ოქელაუვილი (80 კგ) და ირაკლი კუპატაძე (57 კგ) ავიდნენ, ხოლო მინდია ლილუაშვილი მესამე პრიზორი გახდა.

ალსანიშნავია, რომ თავისი შთამბეჭდავი



მონაგარი ძეგველმა მანდილოსანმა უმაღლესი სინჯის მედლით ამჯერად ახალ წონით კატეგორიაში მოპოვებული ჯილდოთი გაიმდიდრა.

კოხა კოხანიძე

ჩოგბურთი

ნავსი გატეხა

ნიკოლოზ ბასილაშვილი და ლევტუველი რიკარდას ბერანკისი აქამდე ორჯერ – უკვე შორეულ 2014 წელს შეხვედრენ ერთმანეთს და ორივეჯერ წარმატებას ბალტიისპირელმა ჩოგბურთელმა მიაღწია.

ჩვენმა თანამემამულემ ნავსი მესამე ცდაზე არაბთა გაერთიანებული საამიროების დედაქალაქ დუბაის კორტზე დაწყებული ATP500 კატეგორიის პრესტიჟული ტურნირის სტარტზე გატეხა, სადაც აქამდე უხერხულ მეტოქეს მძიმე ბრძოლაში მოუგო სამსეტინი დუელი – 5:7, 7:6 (2), 6:3.

მეორე წრეში საქართვე-

ლოს პირველ ჩოგანს გერმანელ იან-ლენონარდ შტრუფთან მოუწევს გამკლავება, ვინც გათამაშებიდან ესპანელი ფავორიტი რობერტო ბაუტისტა აგუტი გამოთისა.

გაუხან დოლიძე



ფეხბურთი

დიეგოს არღილი

მას შემდეგ, რაც ჩემპიონთა ლიგის პლეი-ოფში „ნაპოლი“ და „ბარსელონა“ დაწყვილდნენ, დღე არ გავა, ამა თუ იმ კონტექსტში დიეგო მარადონამ არ გაიჟღეროს, რაც სავსებით ლოგიკურია – მოგესხენებათ, არგენტინელმა ჯადოქარმა ევროპული კარიერა კატალონიურ გრანდში დაიწყო, რომელსაც, ვიდრე ბასკი ჯალათი გოიკოვერა ფეხს



მოტეხავდა, ექვსი(!) საშინაო საკლუბო ტიტული მოაგებინა, ხოლო აქვინებზე გადაბარგების შემდეგ მანამდე არაფრით გამოირჩეულ „სან პაოლოს“ ბინადრებს მთელი ეპოქა შეაქმნევინა – ორჯერ „სკუდეტო“, მათ შორის ერთხელ დუბლის თანხლებით და გვირგვინად უფვას თასი მოაპოვებინა.

საქმე იქამდე მივიდა, რომ კორონავირუსით დაზარალებული იტალიაში დანიშნული პირველი მერვედფინალის წინ ტოტალიზატორების „ყოვლისმცოდნე“ მოთამაშეები დაბეჯითებით იმეორებდნენ – რადგან მატჩს თვით მათი კერპი ესწრება, შეხვედრა მისივე პატივისცემის ნიშნად ფრედ დასრულდებო. რასაკვირველია, შორს ვართ იმ აზრისაგან, რომ სწორედ სა-

პატიო სტუმართა ლოჯაში მოკალათებული ლეგენდის ფაქტორმა განაპირობა შედეგი, მაგრამ ფაქტია, რომ მეტოქეებმა მართლაც ზავი გააფორმეს 1:1 (მერტენსი; გრიზმანი).

სხვათა შორის, ეჭვი ეჭვად და ისიც საგულისხმო ფაქტია, რომ ასე სასურველი შედეგის მიღწევა კივე სეტიენის გუნდს საკმაოდ ძვირი დაუჯდა: გარდა იმისა, რომ გერმანელმა მსაჯმა ფელიქ ბრიხმა წითელი ბარათით ვიდალი დასაჯა, ტრავმის გამო მინდვრის ნაადრევად დატოვება პიკესაც მოუწია, ეს კი 1 მარტს „სანტი-აგო ბერნაბეუზე“ მადრიდის „რეალთან“ გასამართავი „ელ კლასიკოს“ წინ, დაგვეთანხმებით, განგაშის ტოლფასია, მით უმეტეს – სუარესის, ალბას, დემბელესა და სერხი რობერტოს მკურნალობის ფონზე. რადგან სიტყვამ მოიტანა, დავძენთ, რომ ამავდემიზებით „სამეფო კლუბს“ აზარი და ასენსიო დააკლდებიან, მასპინძელთა კოლორიტულ კაპიტან სერხიო რამოსს კი დისკვალიფიკაცია პრიმერადივიზიონის წინა ტურში „ლევანტესთან“ სენსაციურად წაგებული ბრძოლის შემდეგ მსაჯის მიმართ მკვეთრი ტონით გამოთქმული პრეტენზიის გამო ემუქრება.


„ჩალსი“ – „ბაიერნი“ 0:3 (გოლები – განაბრი (2), ლევანდოვსკი). ბიორგი შოთაძე

კალათბურთი

როსა ბენდოზიან...

მართალია, გოგა ბითაძის „ინდიანა პეისერზი“ ნბა-ს რეგულარული სეზონის აღმოსავლეთის კონფერენციის სატურნირ ცხრილში მეექვსე ადგილზეა, მაგრამ პლეი-ოფის საგზურის მოსაპოვებლად დიდი ძალისხმევა მართებს.

ალბათ, ამიტომაცაა, რომ მოახლოებული საშუალებდო ფინისის წინ თითოეულ ქულას ოქროს ფასი დაედო და გუნდის თავკაცი ნეით მაკმილანი ძირითად აქცენტს გამობრძმედილ შეგირდებზე აკეთებს.



გამონაკლისს წარმოადგენდა საკუთარ დარბაზში ერთ-ერთ მაჩანჩალა „შარლოტთან“ გამართული უთანასწორო ბრძოლა, რომელშიც მასპინძლებმა მეტოქე ნოკდაუნში ჩააგდეს – 119:80.

სწორედ ამკარა უპირატესობას უნდა მივანეროთ, რომ ფავორიტის დამრიგებელმა ახალგაზრდა ქართველ ლეგიონერს უჩვეულოდ მსუყე – 11-წუთიანი ნდობა გამოუტყხა და ჩვენებურმა მწვრთნელს მადლობა ღირსეული მონაგრით გადაუხადა: 5 ქულა, 4 მოხსნა და 1 დაფარება.

ამ გამარჯვებით ინდიანაპოლისელთა ბალანსი 34:24 გახდა. ვიტალი ჯაფარიძე


64



წვრთნიდა საქართველოს ქალთა ნაკრებს

ედუარდ გუფელდმა მდიდარი საქადრაკო ლიტერატურული მემკვიდრეობა დაგვიტოვა

ბ. გორგიჯიანი „შახმატი 3 სსსრ“, 1936 I პრიზი



მოგება

ძნელი წარმოსადგენია თუ როგორ უნდა შეინარჩუნონ თეთრებმა თუნდაც ერთი პაიკი. თუმცა, ამ ამოცანის გადაწყვეტა არ არსებობს და ეს შემდეგნაირად იწყება:

1. ხ4! ხ4 2. ქd3 ლ2 3. ჯე2 მფh5 4. მფh3 ჯხ6 5. მფ2 ქd8-კd1! ხh4 7. მფ3+ მფg5 8. მფქ3 ხ3 9. ხხ3 მფh5 10. ხქ7+ მფg5 11. ჯე8 სუგქვანგი შეიქმნა მეტოქის „ზურგიდან“ და ამრიგად, თეთრები იგებენ.

ცუგცვანგი შეიქმნა მეტოქის „ზურგიდან“ და ამრიგად, თეთრები იგებენ.

შენიშვნა:

ტიგრან გორგიევი – (1910-1976), საერთაშორისო ოსტატი (1956) საქადრაკო კომპოზიციაში; პირადი ჩემპიონატების 5-გზის ფინალისტი.

თბილისში საცხოვრებლად 1968 წლიდან გადმოვიდა. საბჭოთა ქალთა ნაკრებს წვრთნიდა მსოფლიო ოლიმპიადებზე შვეიცარიასა (1982) და საბერძნეთში (1984), რომელიც ძირითადად ახალგაზრდა ქართველი ქალებით იყო დაკომპლექტებული.

დასაანანია, რომ მომავალი თაობის აღმზრდელი უდროოდ გამოაკლდა მოჭადრაკეთა რიგებს (იგი რამდენიმე წლის წინათ ახალ ზელანდიაში გარდაიცვალა). მისი შექმნილია ნიგნები „მაიას ჩვიდმეტი გაზაფხული“ (თბილისი, 1980), „მინიმალური უპირატესობით“ (1984, თბილისი), „ყველაფერი წინ არის“ (თბილისი, 1977).

ე. გუფელდის კომენტარებით გთავაზობთ ბ. გორგიევის ეტიუდს, გაა ნადარეიშვილის ნიგნის მიხედვით „ეტიუდი დიდოსტატების თვალთ“ (მოსკოვი, „ფიზკულტურა და სპორტი“ – 1982).

თაგაზ შანგალია

რაჭას ახალი დასული ტერიტორია შეემატება

ბარამოს დაცვისა და სოფლის მეურნეობის სამინისტროს დაცული ტერიტორიების სააგენტოს წარმომადგენლებმა რაჭის რეგიონში დაცული ტერიტორიების დაარსების საკითხი ადგილობრივ მოსახლეობასთან შეხვედრაზე განიხილეს. დღეისთვის უკვე მომზადებულია კანონპროექტი „რაჭის ეროვნული პარკისა და შოვის ალკვეთის შექმნისა და მართვის შესახებ“.



ორე მხრივ, ეკოტურიზმის განვითარებას და, შესაბამისად, ადგილობრივი მოსახლეობის სოციალურ-ეკონომიკური მდგომარეობის გაუმჯობესებას, – განაცხადა დაცული ტერიტორიების სააგენტოს თავმჯდომარის მოადგილემ თომა დეკანოიძემ.

შეხვედრაზე დაცული ტერიტორიების სააგენტოს წარმომადგენლებმა მოსახლეობას ბუნების დაცვის მსოფლიო ფონდის (WWF) მიერ 2018-2019 წლებში ჩატარებული კვლევის „რაჭის რეგიონში დაცული ტერიტორიების დაარსების შესაძლებლობის შეფასება“ შედეგები გააცნო.

ჩატარებული კვლევის შედეგად, შეფასდა და განისაზღვრა გეგმარებითი დაცული ტერიტორიების სავარაუდო საზღვრები. ახალი დაცული ტერიტორიის დაარსება იგეგმება ონის მუნიციპალიტეტში და მისი ფართობი 52 191 ჰექტარს შეადგენს.

ონის მუნიციპალიტეტის მოსახლეობასთან შეხვედრას WWF კავკასიის პროგრამის ოფისის დირექტორი გიორგი სანაღორაძე და ადგილობრივი ხელისუფლების წარმომადგენლები ესწრებოდნენ.

„გარემოს დაცვისა და სოფლის მეურნეობის სამინისტროს მიერ შემუშავებული პოლიტიკის ფარგლებში, ქვეყნის მთელ ტერიტორიაზე დაცული ტერიტორიების ფართობები იზრდება. დაცული ტერიტორიების დაარსება რაჭის რეგიონში ძალიან მნიშვნელოვანია, რადგან, ერთი მხრივ, ეს ხელს შეუწყობს ბიომრავალფეროვნების დაცვას, ხოლო, მე-

თავდაცვის სამინისტროს ახალი საბინაო პოლიტიკა

საქართველოს თავდაცვის მინისტრ ირაკლი ლარიბაშვილის ინიციატივით, მრავალწლიანი პროფესიული სამხედრო კარიერისა და ქვეყნის სამსახურის დაფასების მიზნით, თავდაცვის უწყება სამხედრო მოსამსახურეებსა და მათი ოჯახის წევრებს ღირსეული საცხოვრებელი პირობების შექმნაში დაეხმარება. სამხედრო მოსამსახურეებმა თავდაცვის მინისტრის ბრძანებით შექმნილ ბინათმშენებლობის ე.წ. „ამსანაგობაში“ გასანაგებებლად ხელშეკრულებები ნოტარიულად უკვე გააფორმეს.

თავდაცვის სამინისტროს ინფორმაციით, მასთან მთავრად სამხედრო ქალაქის მშენებლობა აპრილში დაიწყება. ახალი შემოთავაზებით 1000-ზე მეტი სამხედრო მოსამსახურე ისარგებლებს (ყველა გენერალი, პოლკოვნიკი, ვიცე-პოლკოვნიკი, ასევე ის მაიორები, რომლებსაც აქამდე არ მიუღიათ ბინა და სერჟანტების კატეგორია).

„პროექტის პირველი ეტაპი 2021 წელს დასრულდება. მომდევნო ეტაპები დამტკიცებული გრძელვადიანი გეგმის მიხედვით განხორციელდება. ახალი პროექტის მიხედვით, სამხედრო მოსამსახურეები საცხოვრებელი ფართის შექმნას შედგავთიანი პირობებით შეძლებენ და ფინანსური ვალდებულებები მაქსიმალურად შეუმსუბუქდებათ. კერძოდ, თუ მათ უწყვედად ღირებულების 60 პროცენტის დაფარვა, ახალი პირობებით 50-პროცენტიანი თანამონაწი-

ლეობის პრინციპი იმოქმედებს. კერძო კომპანიის ნაცვლად, მშენებლობის თავდაცვის უწყების სამშენებლო კომპანია განახორციელებს, რაც თვითღირებულებას მნიშვნელოვნად შეამცირებს“, – ნათქვამია თავდაცვის სამინისტროს ინფორმაციით.



მათივე ინფორმაციით, სამხედროებს ექნებათ საშუალება, არა საბანკო სესხით, არამედ უპროცენტო შიდა განვადებით ისარგებლონ. საცხოვრებელი ფართის კვადრატული მეტრის სავარაუდო ღირებულება 200 დოლარი იქნება და სამხედრო მოსამსახურეებს ერთ კვადრატულ მეტრში დაახლოებით 100 დოლარის გადახდა მოუწევთ. უპრეცედენტო შეთავაზებას სამხედრო მოსამსახურეები დადგენილი კრიტერიუმების შესაბამისად მიიღებენ.

შიდა ქართლში 34 დევნილ ოჯახს ბინები გადასცა

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრმა ეკატერინე ტიკარაძემ შიდა ქართლში 34 დევნილ ოჯახს ბინები გადასცა.



ცერემონიას დევნილთა, ეკომიგრანტთა და საარსებო წყაროების უზრუნველყოფის სააგენტოს დირექტორი და შიდა ქართლის გუბერნატორი დაესწრნენ. საცხოვრებელი ფართები გორსა და ხაშურში, დევნილთა საკითხების შემსწავლელმა კომისიამ, გრძელვადიანი განსახლების კრიტერიუმების შესაბამისად გაანაწილა.

2020 წელს ახალი საცხოვრებელი 2500-ზე მეტი დევნილ ოჯახს გადაეცემა, მართლში მფლობელობაში არსებული ფართები კი 1500-ზე მეტი ოჯახს დაუკანონდება.

ფრინველის ხორცი ოდნავ გაძვირდება, მაგრამ მომხმარებელი არ ნააბუბს

ფრინველის ხორცზე ტექნიკური რეგლამენტი ამოქმედდა. ბიზნესმენები დარწმუნებული არიან, რომ ეს პროდუქციას გააძვირებს. საპირისპიროს ამტკიცებენ მეფრინველეობის განვითარების ასოციაციაში, სადაც ამბობენ, რომ მომხმარებლის ინტერესები გათვალისწინებულია და ამიერიდან ისინი უფრო მოგებულნი დარჩებიან.



ახალი ნორმების თანახმად, 2025 წლამდე გაყინული და სწრაფად გაყინული ქათმის მარკეტინგი შეიძლება განხორციელდეს თუ წყლის შემცველობა არ აღემატება 5%-ს, ხოლო 2025 წლის შემდეგ, ტექნიკური რეგლამენტი ადგენს, გაციების მეთოდიდან გამომდინარე, წყლის შემცველობის დასაშვებ სხვადასხვა ნორმას.

რეგლამენტით განსაზღვრულია დაფასოებული ადგილობრივი წარმოების გაყინული ან სწრაფად გაყინული ფრინველის ხორცის წონის კატეგორიის მიხედვით კლასიფიცირდება. ყველა დაფასოებულ პროდუქტს უნდა ჰქონდეს წონის მაჩვენებელი, რაც მომხმარებელთა უფლებების დაცვის ერთ-ერთი მნიშვნელოვანი პირობაა.

ამასთან, ეტიკეტზე მეურნეობის ტიპის და ფრინველის ზრდის მეთოდების მითითება დასაშვებია იქნება მხოლოდ ტექნიკური რეგლამენტის შესაბამისად. იმპორტირებული ხორცის შემთხვევაში, მას უნდა ახლდეს წარმოშობის ქვეყნის კომპეტენტური ორგანოს მიერ გაცემული სერტი-

ფიკატი ან აკრედიტებული ლაბორატორიის მიერ გაცემული ოქმი, რომელიც ადასტურებს, რომ პროდუქტი შეესაბამება ტექნიკური რეგლამენტის მოთხოვნებს.

განსაზღვრული მოთხოვნების შესაბამისობა უნდა უზრუნველყოს ბიზნესოპერატორმა, ხოლო ტექნიკური რეგლამენტით გათვალისწინებულ უფლებამოსილებებს განახორციელებს გარემოს დაცვისა და სოფლის მეურნეობის სამინისტროს სურსათის ეროვნული სააგენტო და ფინანსთა სამინისტროს შემოსავლების სამსახური.

სპეციალისტების აზრით, ნებისმიერ შემთხვევაში, მოგებულ მომხმარებელი დარჩება, რადგან ეკოდინება, რომ გადახდილი ფულით სუფთა წონის ხორცს შეიძენს და არა წყალს. მეფრინველეობის განვითარების ასოციაციაში აცხადებენ, რომ მათი და მომხმარებლის ინტერესები გათვალისწინებულია.

ზაქა დანილია

მეღვინეობის 8000-წლიანი ტრადიცია - GREAT BIG STORY-ის პილო

ტურიზმის ეროვნულ ადმინისტრაციასთან თანამშრომლობით CNN-ის ერთ-ერთ ონლაინ-პლატფორმაზე Great Big Story ქართული მეღვინეობის, ღვინის წარმოების უნიკალური მეთოდის, ახალგაზრდა ქართველი მეღვინის, კახეთის რეგიონისა და კულტურის შესახებ ვიდეორგოლი მომზადდა.



უახლოეს მომავალში CNN საქართველოს შესახებ ონლაინ-პლატფორმაზე Great Big Story კიდევ ერთი ვიდეორგოლს განათავსებს, რომელიც მარტვილის კანიონს და სამეგრელოს უნიკალურ ბუნებას ეხება.

Great Big Story პოპულარული სა-მოგზაურო ონლაინ-პლატფორმაა, რომელსაც

მელსაც მხოლოდ Youtube-ზე 4,7 მილიონზე მეტი გამომწერი ჰყავს, Facebook-ზე კი გვერდს 5,6 მილიონზე მეტი მოწონება აქვს.

CNN-ზე ტურიზმის ეროვნული ადმინისტრაციის მარკეტინგული კამპანიის ფარგლებში საქართველოს შესახებ გაშვებული სარეკლამო ვიდეორგოლების დაფარვის ზონა ევროპისა და ახლო აღმოსავლეთის ქვეყნებია.

CNN-ის ეთერით 30-წამიანი ვიდეორგოლი (ზაფხული/ზამთარი) გადაიცემოდა, მომზადდა 5 სატელევიზიო რეპორტაჟი.

სატრენინგო პროგრამა დასრულდა

ძალბა ოზურგეთში, პროფესიულ კოლეჯში „პორიზონტი“ მეჩაიეობის სპეციალობის პროფესიული განათლების მასწავლებლის სატრენინგო პროგრამა დასრულდა.

სოფლის მეურნეობას სჭირდება პროფესიონალები, რომელთაც სპეციალიზებული განათლება ექნებათ მიღებული, განათლების სისტემას კი არა აქვს ამ საჭიროების დაკმაყოფილების საკმარისი რესურსი. პროგრამის მიზანი ამ შესაბამისობის აღმოფხვრა იყო. ტრენინგის კურსდამთავრებულთა პირველი ნაკადი პროფესიული განათლების და გადამზადების (VET) საპილოტე პროგრამაში მონაწილეობდა, რომელიც გურიის პროფესიულ კოლეჯში 2019 წლის სექტემბრიდან გაეროს განვითარების პროგრამის (UNDP) და შვეიცარიის მთავრობის მხარდაჭერით ხორციელდება.

„პროფესიული განათლების და გადამზადების ახალი მოდელის მიზანია საქართველოს სოფლის მეურნეობის მოდერნიზაციის ხელშეწყობა, სამუშაო ადგილების შექმნა და შემოსავლის გაზრდა“, – აღნიშნა გარემოს დაცვისა და სოფლის მეურნეობის მინისტრის პირველმა მოადგილემ გიორგი ხანიშვილმა.

აღინიშნა, რომ შვეიცარიის გამოცდილება საქართველოს დაეხმარება პროფესიული განათლების სისტემის გაუმჯობესებაში.



თუთიყუშა გაღაპრინა

აშშ-ში მოლაპარაკე თუთიყუშა სახლის ბინადრებს ხანძრის შე-სახებ ამცნო და სიკვდილისგან იხსნა.



ინციდენტი ტენესის შტატში მოხდა. 63 წლის ბარბარა კლანი, მისი 61 წლის მეუღლე ლარი და 6 წლის შვილი შვილი კეიტლინი თუთიყუშის ხმამ გააღვიძა, რომელიც „ხანძარი“, ხანძარის“ ყვიროდა. „როდესაც გავიღვიძეთ, უკვე მთელი სახლი ინვოდა. თუთიყუშმა ლუიმ გადაგვარჩინა, რომ არა ის, ჩვენ ვერ გადავრჩებოდით. ყველაზე საინტერესო ისაა, რომ ლუის აქამდე არასდროს უთქვამს ეს სიტყვა“, - აცხადებს ბარბარა კლანი.

ლარი კლანიმ მეუღლე და შვილიშვილი სახლიდან გაიყვანა, შემდეგ კი თუთიყუშისა და 4 ლეკვის გადარჩენა სცადა, თუმცა ველარ მოასწრო და სახანძრო სამსახური გამოიძახა. ლარი კლანიმა სახისა და ფილტვების სერიოზული დამწვრობა მიიღო და რამდენიმე დღე კომაში იმყოფებოდა. მისი ჯანმრთელობის მდგომარეობა ახლა სტაბილურია.

მეზობლებმა ხანძრისგან დაზარალებულებს ფული და პირველადი მოხმარების ნივთები შეუგროვეს, ერთ-ერთმა მათგანმა კი კლანების ოჯახს ახალი თუთიყუში აჩუქა, რომელსაც ბარბარა კლანი ლუი-უმცროსი დაარქვა.

პიცა... ბინესი რაკორდებისთვის ეზადება

საფრანგეთში ლიონში ყველის 257 სახეობისგან შემდგარი პიცა დაამზადეს.



30 სანტიმეტრის დიამეტრის პიცაზე ყველის 257 სახეობა მოთავსდა. უახლოეს პერიოდში ამ ფაქტს გინესის მსოფლიო რეკორდების წიგნში შეიტანენ.

პიცა ადგილობრივმა პიცაიოლომ ბენუა ბრუელმა მოამზადა. თავდაპირველად, ის ყველის 254 სახეობის გამოყენებას აპირებდა, თუმცა მზადების პროცესში ყველის კიდევ სამი სახეობა დაამატა.

„ცხადია, რომ დიდ, 80-სანტიმეტრიან პიცაზე ყველის უამრავი სახეობის მოთავსება შეიძლება, ამიტომაც რეკორდისთვის პიცის დიამეტრი 30 სანტიმეტრს არ უნდა აღემატებოდეს“, - განაცხადა მან.

წინა რეკორდი 2019 წელს მელბურნში დაფიქსირდა. მაშინ ერთ-ერთი ადგილობრივი რესტორნის მზარეულმა ჯონი დი ფრანჩესკომ 30-სანტიმეტრიან პიცაზე ყველის 154 სახეობა მოათავსა.

„პარსკვლავური ომების“ ახალი ეპოქა

კომპანია Disney-მ „ვარსკვლავური ომების“ სამყაროს ახალი ეპოქა — The High Republic წარადგინა.

ახალ პროექტში მოვლენები პროკველების ტრილოგიამდე 200 წლით ადრე განვითარდება, შესაბამისად ავტორებს მეტი შემოქმედებითი თავისუფლება ექნებათ, რადგან სტაიუოკერების ოჯახის შესახებ გამოსულ ფილმებზე დაყრდნობა არ მოუწევთ.



პროექტი ფაზებად იქნება დაყოფილი. პირველში მხოლოდ წიგნები და კომიქსები შევა, რომლებიც ეპოქას საფუძველს ჩაუყრის. მეორე ფაზაში კი სავარაუდოდ ფილმები, სერიალები და ვიდეოთამაშები შევა, თუმცა ამის ოფიციალური დასტური ამ ეტაპზე არ არსებობს.



მარცხენა და მარჯვენა პირი

ინგლისის ქალაქ მაკლსფილდში ქირურგებმა პაციენტს მარცხენა ფეხზე მარჯვენა ფეხისთვის განკუთვნილი მუხლის სახსრის პროთეზი დაუყენეს.

„მარცხენა ფეხზე გადატანილი პირველი ოპერაციის შემდეგ თავს ცუდად ვგრძობდი. ვფიქრობდი, რომ ოპერაციამ ცუდად ჩაიარა, თუმცა ექიმები მარწმუნებდნენ, რომ ყველაფერი რიგზე იყო“, - ამბობს 74 წლის ბარბარა ბარნსი.

ექიმების შეცდომის გამო ბარბარა ბარნსს რამდენიმე თვის განმავლობაში ტკივილი აწუხებდა. განმეორებითი გამოკვლევას აღმოჩნდა, რომ ექიმებმა შეცდომით პროთეზების ყუთიდან მარჯვენა ფეხისთვის განკუთვნილი პროთეზი აიღეს. ამის შემდეგ ქალს კიდევ ერთი ოპერაცია ჩაუტარდა.

გამოძიების შედეგად სამართალდამცველებმა იმპლანტების შენახვის სისტემაში დარღვევები აღმოაჩინეს და მას შემდეგ მარჯვენა და მარცხენა კიდურების იმპლანტები სხვადასხვა ფერის ყუთებში ინახება. ბარბარა ბარნსი სასამართლოს გზით კომპენსაციის მიღებისთვის იბრძვის.

სოფლა მილიონერი გახდა

ვირჯინიის შტატში მცხოვრებმა კაცმა ცოლის ნაჩუქარი ლატარიის ბილეთით ჯეკპოტი მოიგო.




დენიელ შუმანის თქმით, მან ლატარიაში ბედი პირველად სცადა. საბოლოოდ, ცოლის საჩუქარმა მას მილიონი დოლარი მოუტანა.

„აღმოვაჩინეთ, რომ ყველა ციფრი დაემთხვა. შოკში ვიყავით, რადგან ასეთ რამეს არც კი ველოდით“, - ამბობს შუმანი.

მან მოგებული თანხა უკვე აიღო, თუმცა ჯერ არ გადაუწყვეტია, რაში დახარჯავს ფულს.

დაზვერვის უფი პროფესიას იცვლის



საფრანგეთის საგარეო დაზვერვის ყოფილი უფროსი ალენ შუილე რუსული პროპაგანდისტული ტელეკომპანიის წამყვანი გახდა.

როგორც იუნყებთან შუილე წაიყვანს გადაცემას, რომელიც გეოპოლიტიკურ საკითხებს მიეძღვნება.

გადაცემა სახელწოდებით „La Source“ (ფრანგ. „წყარო“) თვეში ორჯერ გავა და მისი ქრონომეტრაჟი 13 წუთი იქნება.

არხის მენეჯერის ქსენია ფილოროვას განცხადებით, ის ძალიან ბედნიერია, რომ ამ „რანგის ადამიანი“ რუსული ტელეკომპანიის რედაქციაში იმუშავეს.

გადაცემა ფოკუსირებული იქნება დიპლომატიის, კონფლიქტების, ტერორიზმის, უსაფრთხოებისა და დაზვერვის საკითხების შესახებ. პირველი გადაცემის გაშვება მარტში იგეგმება. შუილეს არაერთხელ დაუფიქსირებია პროკრემლისტური პოზიციები. ის აქტუალურ რუსეთის სამხედრო შესაძლებლობებს და ამტკიცებდა, რომ რუსეთი დასავლეთისთვის საფრთხეს არ წარმოადგენს.

მოგმართავთ გაზეთის მზრუნველთა საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველდღიური გამოცემის აღორძინებას.

გვჯერა, რედაქციის მიმართვას გამოეხმაურებიან ჩვენი ბიზნესმენ-ქველმოქმედნიც და გარკვეულ ფინანსურ დახმარებას გაუწევენ გაზეთს.

ჩვენი ანგარიშია: №GE19TB7601536020100009. (შპს „ახალი საუკუნე“ - გაზეთ „საქართველოს რესპუბლიკის“ გამომცემელი).

საქართველოს რესპუბლიკა
SAKARTVELOS RESPUBLIKA

ბ. ჩიქობავას (ყოფილი საბჭოს) ქუჩა №42/5
 ტელ: 296-72-86

მთავარი რედაქტორი
სპარტაკ ძოგულია
 599 36-00-35

პასუხისმგებელი რედაქტორები:
გურამ გომიაშვილი
 599 53-76-16;
ალეკო ასლანიშვილი
 599 56-81-86;

პასუხისმგებელი მდივანი
მამუკა ვაშაქიძე
 514 33-33-24

გამომცემელი:
 შპს „ახალი საუკუნე“ -
 გაზეთ „საქართველოს რესპუბლიკის“ გამომცემელი“
 599 53-76-16; 599 36-00-35
 შპს „თანადგომა“-ს გაზეთ „საქართველოს რესპუბლიკის“ გამომცემელი“
 ტ: 599 79-76-79

იბეჭდება გამომცემლობა
„კოლორ პრესი“
 რკინიგზის ჩიხი №20
 uac(უაკ)070.4(479.22) ს-323
 ISSN 2233-3851
 9 772233 385001

ავტორთა საყურადღებოდ!

რედაქციის მიერ შუამთავრობის მასალის დანიშნულება ავტორთა ხარჯით.
ავტორთა მოსაზრებები, შეხატულობა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აბეზან ავტორები.

„საქართველოს რესპუბლიკა“ უენი გაზეთია, აუსილეზად გამოიწერე, რასაც აქ წაიკითხავ, სხვაგან ვერ ნახავ!

	უსსოური ვალუტის კურსი: აშშ დოლარი - 2.7946; ევრო - 3.0291; ბრიტანული პირანა სტერლინგი - 3.6266; 100 რუბლი - 4.2607; თურქული ლირა - 0.4542; აზერბაიჯანული მანათი - 1.6481; 1000 სომხური დრამი - 5.8373.	აინდი 27 თებერვლისთვის აღმოსავლეთი საქართველო: ბარსი - ლაპი -4, ღლე +17 შიშინი რაიონები - ლაპი -8, ღლე +16 დასავლეთი საქართველო: ბარსი - ლაპი +3, ღლე +23 შიშინი რაიონები - ლაპი -5, ღლე +20 თბილისი: ლაპი 0, ღლე +14	დაგვიკავით, მოგვწერათ: ტელ: 296-72-86, 599-79-76-79, 568-82-09-84 ელ. ფოსტა: sakresp@mail.ru და sakresp@top.ge ვებ-გვერდი: www.sakresp.ge
--	--	---	--